


# PROMER ALBUM DI Rufo Wever



Recientemente presidente di Centro Cultural Aruba señor Jan H. Beaujon (na man drechi) a haci entrego oficial di e promer album musical di dies cinco composicion di e compositor y pianista arubano Rufo Wever.

Esaki tabata un acto historico cultural como cu ta promer vez cu musica di un compositor arubano a ser imprimi den un album. Esaki ta album no I y ta e intencion pa continua cu publicacionnan similar di otro musikonan arubano tambe.

Rufo Wever (na man robey) a keda sumamente satisfecho cu e promer ehemplar di su album. Sticusa hunto cu Centro Cultural Aruba a percura pa e musika di Rufo Wever worde imprimi y nan a regala e compositor Arubano tur e mil ehemplarnan cu a worde imprimi pa bende.

Rufo Wever a nace na Aruba dia 8 di december 1917. Ela cuminsa



tuma les di piano na edad di 6 aña y dia e tabatin mas o menos 15 aña ela forma hunto cu algun amigo e orkestra "melody boys" cu tabata un gran sensacion e temponan ei.

Ela cuminsa composita y su promer composicion tabata e wals "arubanita". Rufo ta tambe e co-compositor di e hymno "Aruba Dushi Tera".

Na edad di 24 aña ela perde su braza robey den un accidente di auto y logicamente ela pensa cu nunca mas lo e por toka piano.

Sinembargo despues di algun tempo, inspirá door di su gran amor pa musika, ela praktika cu un brasa artificial pa toka e notanan basico riba piano, asistiendo di e moda aki su man drechi. Despues di esaki ela haci un come-back como pianista y a aparece na television na Aruba, Corsow, Costa Rica, Maracaibo y Puerto Rico.

Aña pasá Rufo a ser nombra Riddler in de Orde van Oranje Nassau door di Reina Juliana. ●